

[Naar de tekstversie](#)

- [Home](#)
- [Zoeken](#)

Regelgeving

Rieglement H.J. Bergveld Pries

Gegevens van de regeling

Overheidsorganisatie : Gemeente Weststellingwerf

Officiële naam regeling : Rieglement H.J. Bergveld Pries

Citeertitel : Rieglement H.J. Bergveld Pries

Versie : 1

Vastgesteld door : gemeenteraad

Onderwerp : algemeen

Eigen onderwerp : Rieglement H.J. Bergveld Pries

Wettelijke grondslag(en) of bevoegdheid waarop de regeling is gebaseerd

1. [Gemeentewet, artikel 149](#)

Regelgeving die op deze regeling is gebaseerd (gedelegeerde regelgeving): Geen.

Overzicht van in de tekst verwerkte wijzigingen

Datum inwerkingtreding : 01-01-2009

Terugwerkende kracht t/m : n.v.t.

Datum uitwerkingtreding : n.v.t.

Betreft : Nieuwe regeling

Datum ondertekening : 12-01-2009

Bron bekendmaking : Stellingwerf + Griffioen 18-02-2009

Kenmerk voorstel : 2008-000412/r

Versie : 1

Tekst van de regeling H.J. BERGVELD PRIES

RIEGELMENT H.J. BERGVELD-PRIES

Artikel 1

De gemienteraoden van Oost-en West-Stellingwarf stellen tegere een taelpries/taelgebiedpries in.

Artikel 2

De taelpries het as naeme: H.J. Bergveld-pries.

Artikel 3

De taelpries is bestemd veur wark in et Stellingwarfs in de briedste zin. Et kan daorbi'j gaon om literair of taelkundig wark. Et hoeft niet per se om schreven tael te gaon, geluud- en/of beeldopnaemen kun ok veur de pries in anmarking kommen, as ok organisaosies die heur aktief inzetten veur (et behoold van) et Stellingwarfs.. Et wark moet een belangrieke betekenis veur de Stellingwarver tael hebben of had hebben. D'r is gien tiedstermien waorbinnen et wark verschenen wezen moet. De pries kan mar ien keer uutrikt wodden an dezelve persoon of organisaosie.

Artikel 4

Et doel van disse pries is:

1. et anvieteren van et verzorgd bruken van et Stellingwarfs in verschillende domeinen
2. et mitwarken an et uutbouwen van de Stellingwarver kultuurtael
3. et mitwarken an een betere gruui en bluui van et Stellingwarfs

Artikel 5

Onder Stellingwarfs wodt in dit riegelment verstaon: de tael die in Zuudoost-Frieslaand, Zuudwest-Drenthe en Noordwest-Overiessel van ooldsher leeft en deur taelkundigen as Stellingwarfs anduded wodt. Dat kan inholen dat ok dialekten die wat veer van de standard-schrieftael of lieken te staon, aksepteed wodden kunnen; bi'j twiefel nemt de jury een besluit, zoks, as 't meugelik is, naodat deskundigen raad geven hebben.

Artikel 6

D'r wodt van uutgaon dat et te beoordielen wark in de standerd -schriefwieze staot (ok wel de Bergveld-spelling nuumd); ere spellings wo'n ok aksepteed, mar dan moet veur dat gebruik wel een dudelike reden an te wiezen wezen die de jury aksepteren kan, en die spelling moet konsekwent wezen, zoks weer neffens et oordiel van de jury. Bi'j twiefel nemt de jury pas (as zoks meugelik is) nao overleg mit ien of meer deskundigen een besluit.

Artikel 7

- a. d'r is gien termien waorbinnen et wark verschenen wezen moet;
- b. de pries wodt mar ien keer an dezelve persoon of organisaosie uutrikt;
- c. wark van juryleden komt niet in anmarking.

Artikel 8

De pries die as uutrikt wodt is een penning mit daarop de anduding "H.J. Bergveld-pries". Butendat is d'r een geldbedrag van € 1.000,00 veur de prieswinner an verbunnen.

Artikel 9

De H.J. Bergveld-pries wodt ien keer in de zes jaor uutrikt.

Artikel 10

De pries wodt omstebeurten uutrikt deur de borgemeister van Oost-Stellingwarf en zien of heur kollega van West-Stellingwarf, of deur een deur heur an te wiezen bekende persoonlikheid uut de literaire wereld.

Artikel 11

In de jury wo'n twie deskundigen keuzen deur de gemientebesturen van Oost- en West-Stellingwarf, op veurdracht van de warkgroep H.J. Bergveld-pries. As et even kan bin die deskundigen ofstudeerd in de Algemeine literetuurwetenschap, of in de Nederlaanse tael- en letterkunde; eers is et iene die ofstudeerd is in een richting die daor dichte tegen an ligt, of is et iene daor van anneumen wodden kan dat die deur eigen studie genoeg inzicht in de literetuur het. De dadde deskundige wodt op veurdracht van de warkgroep H.J. Bergveld-pries keuzen deur de Stichting Stellingwarver Schrievers. De dadde deskundige wodt niet allienig op grond van inzicht in literetuur, mar meer nog om zien of heur inzicht in et bruken van verzorgd Stellingwarfs anwezen. De organisatoren zorgen d'r veur, dat elke keer op zien minst ien lid van de jury vervongen wodt. De zittingstermien is uterlik achttien jaor. De onderlinge taekverdieling van de juryleden vaalt onder de eigen verantwoordelijkheid van de jury.

Artikel 12

De jury overlegt een repot an de veurzitters van de beide gemientebesturen.

Artikel 13

De kosten die bi'j et gehiel maekt wodden, bin veur de gemientebesturen van Oost- en West-Stellingwarf. De dielnemers hebben gien recht op bepaolde onkostenvergoedings.

Artikel 14

Veur vieftien oktober van et jaor veur de priesuutrikkinge het de warkgroep H.J. Bergveld-pries de jury bi'j mekeer brocht, neffens disse statuten.

Artikel 15

Veur vieftien meert van et jaor van de priesuutrikkinge heurt de beoordeling klaor te wezen. De daegelikse besturen nemen dan as regel et veurstel van de jury over.

Artikel 16

In de twiede helte van meie wodt de pries in een officiële bi'jienkomst in et gemientehuus van omstebeurten Oost- en West-Stellingwarf uutrikt. Daoromhenne en daornao wo'n de belangriekste zaeken van et jaor rond de H.J. Bergveld-pries deur de organisatoren in de publiciteit brocht. In et kot wodt angeven, hoe de jury tot zien besluit kommen is.

Artikel 17

Alle publiciteit, ankondigings, adverteensies en zo wat henne wo'n deur de warkgroep H.J. Bergveld-pries in et Stellingwarfs daon.

Artikel 18

In gevallen daor dit riegelment gien uutsluutsel veur geeft, beslissen de organisatoren. In gevallen die et terrein van de jury angaon wodt d'r eerst naar de miening van de leden d'r van vraogd.

Sluiting

Drs. H. Oosterman, borgemeister van Oost-Stellingwarf.

Drs. G. van Klaveren, borgemeister van West-Stellingwarf.

Oosterwoolde/Wolvege, 2008

Toelichting

1. waar dat neudig liekt, vraogen de organisatoren hulp van et buro van de Stichting Stellingwarver Schrieversronte. Ok kan et bestuur van die stichting raod geven, as de organisatoren dat neudig vienen.
2. De warkgroep H.J. Bergveld-pries is een kemmissie, die deur de organisatoren insteld is om:
 - a. et riegelment en de procedure te bewaeken;
 - b. een reuster van oftreden op te stellen van de jury;
 - c. een veurdracht te maeken van ni'je juryleden, die benuumd wodden deur de in artikel 11 nuumde instellings;
 - d. de uutrikkinge te organiseren;
 - e. de publiciteit te verzorgen;
 - f. een koncept-begroting op te stellen;
 - g. veerder organisatorisch wark te verzetten.

Fout! De hyperlinkverwijzing is ongeldig.

(In 2009 uitgereikt aan de sSr die zelf deskundigheid levert in de beoordeling! (Art.11))